

## SILAT SEDUNIA

# Azman dan Khalid menangi perak -8 DEC 1987

Oleh HANIM SALLEH

KUALA LUMPUR — Kedua pendekar Singapura gagal mengutip pingat emas dalam pertandingan akhir Kejohanan Silat Sedunia Keempat, di Stadium Merdeka, semalam.

Dalam Kelas D, pendekar Azman Amat, mengalami kekalahan tipis 3-2 di tangan Dhani Wisno dari Indonesia — satu kekalahan yang di luar dugaan.

Khalid Awab pula kalah 5-0 di tangan Faizal Mahuyuddin dan pemenang pingat emas Sukan SEA Jakarta, juga dari Indonesia dalam Kelas C.

Pertarungan Azman dan Dhani cukup mendebarkan dengan kedua-dua pendekar saling serang-menyerang dengan pukulan dan tendangan tepat.

Azman melancarkan serangan sebaik saja wasit memulakan perlawanan. Dhani, yang belum pernah kalah dalam perlawanan-perlawanan sebelumnya terpaksa bekerja keras menangkis serangan Azman, dan bertindak balas sebaik punya kesempatan.

Dalam pusingan kedua, Azman lebih banyak menyerang dengan menggunakan tendangan samping dan tendangan belakang hingga menggugat kedudukan Dhani.

Merasakan mendahului mata dari lawannya, Azman bertindak lebih bersemangat dalam pusingan ketiga. Namun Dhani, pemenang pingat emas Sukan

SEA Jakarta enggan mengaku kalah, sebaliknya menyerang balas melalui kelengahan Azman.

Pada keseluruhannya, perlawanan antara Azman dengan Dhani dalam pusingan ini adalah seimbang. Bahkan kekalahan pesilat Singapura itu boleh dianggap kerana kurang pengalaman.

Perlawanan Khalid dan Faizal adalah berat sebelah dengan pendekar dari Indonesia itu bertindak cukup cermat. Khalid banyak bertahan dalam pusingan pertama.

Tetapi dalam pusingan kedua Khalid cuba membuat beberapa sapuan, malangnya gagal kerana pertahanan Faizal cukup kental. Demikian halnya dalam pusingan ketiga. Percubaan-percubaan Khalid mudah ditangkis oleh lawannya.

Jurulatih pasukan Singapura, Hosni Ahmad, ketika mengulas seluruh persembahan anak buahnya dalam kejohanan kali ini berkata: "Saya puas hati. Mereka menunjukkan banyak kemajuan jika dibandingkan dengan pertandingan-pertandingan lepas."

Bagaimanapun, Hosni, cukup kecewa dengan lima pengadilan yang menyebabkan kekalahan Azman. Katanya, Azman lebih banyak menyerang dengan tepat berbanding dengan lawannya.

Sebelum ini Singapura telah menungut empat butir pingat gangsa.

## SEJAJAR DENGAN TEMA SILAT

# Tiada halangan belajar

-8 DEC 1987

6. Harian (M)

TIDAK ada sekatan untuk mempelajari silat olahraga. Jika penduduk negara luar sudah mempelajarinya, tidak ada sebab mengapa masyarakat tempatan harus disekat daripada mempelajarinya, kata Setiausaha Persekutuan Pencak Silat Kebangsaan (Pesaka) (Abdul Rahman Hassan.)

"Siapa sahaja boleh mempelajarinya setaraf

uan tidak sepatutnya timbul kerana mereka bebas menggunakan langkah perguruan asalkan membuat pukulan ke sasaran yang ditetapkan.

Rahman menyebut Kejayaan Silat Sedunia yang sedang berlangsung di Stadium Negara sebagai satu kejayaan mengenengahkan pencak silat, terutama silat olahraga.